

## რევოლუციონერის ხსოვნას

ირგვლივ ნისლი სუფევდა,  
ვარდებს შხამი ერია,  
მაგრამ წყნარად ამბობდი: -  
იყოს... არაფერია!  
ყველაფერი ქაოსის  
ნაპირამდე მივიდა,  
მაგრამ ღელვას ეტყოდი:  
დასცხრი... რა მოგივიდა?=  
და იქ, სადაც ცბიერნი  
უგულობას ფარავენ,  
შენ იცოდი ღიმილი  
ისე, როგორც არავინ.  
მათთან, ვისიც ცხოვრება  
იყო ბედით გამობილი,  
შენ ხალისით მიგქონდა  
სული კეთილშობილი.  
და ცხოვრება გიყვარდა,  
როგორს ბრძოლის პიესა,  
და გათრობდა ჰანგებში  
მხოლოდ მარსელიეზა.  
რა დღე არ გაიარე,  
ხან - კარგი, ხან - მწუხარე,  
მაგრამ სიკვდილის დღემდე  
შენს გზას არ გადუხარე.  
1922